





[International](#)

UMPSA, RUTS bakal terokai kerjasama dalam program kejuruteraan dan teknologi

22 February 2024

SONGKLA, THAILAND, 19 Februari 2024 - Universiti Malaysia Pahang AI-Sultan Abdullah (UMPSA) bakal berkolaborasi dengan Rajamangala University of Technology Srivijaya (RUTS), Thailand dalam program kejuruteraan dan teknologi apabila kedua-dua universiti itu bakal menandatangani memorandum persefahaman (MoU) tidak lama lagi.

Delegasi UMPA yang diketuai oleh Pengerusi Lembaga Pengarah UMPA, Dato' Seri Abdul Razak Jaafar telah mengadakan kunjungan hormat yang turut disertai Naib Canselor UMPA, Profesor Dato Ts'. Dr. Yuserrie Zainuddin dan Timbalan Naib Canselor (Hal Ehwal Pelajar dan Alumni), Profesor Ts. Dr. Mohd Ruslim Mohamed dan barisan pengurusan tertinggi.



Hadir menyambut delegasi UMPA, Presiden Rajamangala University of Technology Srivijaya, Profesor Dr. Suwat Tanyaros dan Timbalan Presiden, Profesor Madya Suthep Chooklin.



Pertemuan ini memberi peluang kedua-dua pihak merangka kerjasama melibatkan program mobiliti, pertukaran pelajar dan pensyarah, latihan industri, pembangunan inovasi dan penyelidikan serta perkongsian kepakaran di antara institusi.

Menurut Profesor Dato Ts. Dr. Yuserrie, bertepatan dengan UMPSA sebagai salah sebuah universiti dalam Rangkaian Universiti-universiti Teknikal Malaysia (MTUN), perbincangan ini turut memfokuskan kepada potensi kerjasama bagi program kejuruteraan dan teknologi serta peluang pensyarah RUTS untuk melanjutkan pengajian kedoktoran (PhD) secara *'remote supervision'*.

“Turut dibincangkan ialah program ijazah dual, kursus jangka pendek terutamanya melibatkan AI, Robotik dan program program *Upskilling* melibatkan Pusat TVET Termaju,” katanya.

Dalam kunjungan itu juga, delegasi berpeluang melawat makmal Program Kejuruteraan Marin di sini.



Turut serta delegasi UMPSA yang terdiri peserta konvoi bermotosikal dan sukarelawan UMPSA Kilau bagi menyempurnakan misi Kembara Mobiliti Lestari UMPSA 'Songkhla Global Exploration' sempena meraikan ulang tahun UMPSA yang ke-22 tahun yang disambut pada 16 Februari 2024.

Disediakan Oleh: Siti Nur Azwin Binti Zulkapri, Pusat Komunikasi Korporat

TAGS / KEYWORDS

[Rajamangala University of Technology Srivijaya](#)

[Thailand](#)

- 90 views

[View PDF](#)

